

炳
燭
編



11918

炳

燭

編

李
庚
芸
撰

中
華
書
局

叢書集成初編

炳燭編

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

頌閣學使歸自江西，持其鄉李鰲齋方伯炳燭編示余，則方伯之孫用光所手輯者。方伯爲錢宮詹弟子，學有師法，中歲服官，治尙廉靜，卒構瑕璽，鬱鬱寔生。錢給諫記事彙述黃亮國言，至今讀之，且爲太息。某氏集中猶撫游談以重誣之，所學殊途，積毀必及，固如斯乎？炳燭編凡四帙，爲目至解，文率未竟，蓋初彙之俟更定者，故世不克見。庚辛之交，寇擾東南，故家籍簡，半遭劫火，賴有文孫聞關危難，保此遺書，學使能先民是程，不忘恭敬，尤足多也。因與同志商訂，違合刪并排類，釐成四卷，以付手民。九京可作，庶無憾已。同治十一年正月，吳縣潘祖蔭。

是書蔭先屬陳培之農部倬編定，繼又屬胡甘伯農部澍、趙撫未大令之謙悉心校正，繕清本者徐棣華、上舍鄧助、刻賁者李若農、學士文田、吳廣葦、刺史承潞、鰲齋先生之孫用光、用賓、用中，實能寶守是書，皆可紀也。同治壬申四月，刻成又識。

炳燭編卷一

利建侯

清 嘉定李府芸撰

晉語公子親筮之曰。尙有晉國。得貞屯悔豫。筮史占之。皆曰。不吉。閉而不通。爻無爲也。司空季子曰。吉。是在周易。皆利建侯。我命筮曰。尙有晉國。筮告我曰。利建侯。得國之務也。吉孰大焉。震。車也。坎。水也。坤。土也。屯。厚也。豫。樂也。車班外內。順以訓之。泉原以資之。土厚而樂其實。不有晉國。何以當之。震。雷也。車也。坎。勞也。水也。衆也。主雷與車。而尙水與衆。車有震。武衆順。文也。文武具。厚之至也。故曰屯。主震。雷。長也。故曰元。衆而順。嘉也。故曰亨。內有雷震。故曰利貞。車上水下。必伯。小非不濟。壅也。故曰勿用有攸往。一夫之行也。衆順而有武威。故曰利建侯。坤。母也。震。長男也。母老子強。故曰豫。居樂出威之謂也。是二者得國之卦也。按此古誼也。左昭七年傳。史朝所稱元亨。又何疑焉。此雖出於一時之迎合。然所云其繇曰利建侯。嗣吉何建。建非嗣也。則亦正訓。

磐桓利居貞

武氏億經讀攷異。據魏志管寧傳。磐桓利居。謂貞字不與居連文。按唐范傳正李白新墓碑。悅謝家青山。有終焉之志。磐桓利居。竟卒於此。亦以利居爲句。但漢張表碑。畔桓利貞。後漢書馬融傳論云。將有意於

居貞乎。則又利居貞。連讀也。磐字說文所無。文選王粲登樓賦注。李密陳情表注。引易皆作盤。陸機演連珠引作槃。傳毅舞賦。殷桓不發。則用省文。張表碑作畔。借字。

屯如遭如

說文無遭字。馬部隨下引易乘馬隨如。乃屯如隨如之誤。又走部有趨字。疑遭如本作趨如。走是字。形相涉而誤。

卽鹿

李鼎祚集解載虞翻注及應劭風俗通。皆以鹿爲山足。作麓。正字作鹿。古省。春秋僖十四年。沙鹿崩。亦省麓作鹿也。魏志王粲傳。易稱卽鹿無虞。諺有掩目捕雀。文選左思魏都賦。卽鹿縱而匪禁。淮南繆稱訓高誘注云。鹿以諭民。則皆以爲麋鹿之鹿。

有孚盈缶

後漢書魯恭傳引易云。言甘雨滿我之缶。誠未有它而吉已。此古誼。

三驅

此卦王用三驅。失前禽。邑人不誡。鄭康成注。驅禽而射之三。則已發軍禮也。失前禽者。謂禽在前來。句不逐而射之。句。傍去。又不射。唯背去者順而射之。不中則已。虞翻注則以爲驅下三陰。與鄭誼不同。漢書揚雄傳。非堯舜。湯。文王三驅之意也。顏師古注云。三驅。古射獵之等。一曰蓬豆。二爲賓客。三爲充君之庖。小

顏用馬融誼見釋文非也禮記王制云諸侯無事則歲三田一爲籩豆二爲賓客三爲充君之庖三田非三驅也

幽人

惠徵君棟周易古義據虞翻注謂訟時二在坎獄中故稱幽人卽荀卿子所云公侯失禮則幽案後漢書逸民傳序光武側席幽人荀爽傳論何爲違貞吉而履虎尾李固傳是以巖穴幽人智術之士彈冠振衣未欲爲用李恂傳論任棠姜岐結甕牖而辭三命殆漢陽之幽人乎魏志管寧傳明帝詔曰寧違命不至盤桓利居高尙其事雖有素履幽人之貞而失考父茲恭之義此皆目高士爲幽人要亦漢儒之說也

无平不陂

王逸注楚辭修繩墨而不頗唐明皇詔改鴻範無頗爲無陂未能引以爲據也按頗陂皆从皮聲觀王注二字古本通用

帝乙

乾鑿度以爲成湯虞翻以爲紂父按左哀九年傳晉趙鞅欲伐宋以救鄭陽貨以周易筮之遇泰之需曰宋方吉不可與也微子啓帝乙之元子也社祿也若帝乙之元子歸妹而有吉祿我安得吉焉此古誼

公用亨于天子

左僖二十五年傳晉文公筮遇大有之睽曰吉遇公用亨于天子之卦戰克而王饗吉孰大焉按此古訓

也。古人享，享同字。亨通之享，亦作享。聘享之享，亦作亨。唐初猶然。釋文：亨，許庚反。通也。衆家並香兩反，是陸元朗不能折中於左傳也。

而天下隨時隨時之義大矣哉。

文選干寶晉紀論：各因其運而天下隨時。隨時之義大矣哉。潘岳籍田賦注：秋興賦注：土中頭陀寺碑注：所引皆同。後漢書崔駰傳：隨時之宜。隋書經籍志云：隨時之義深矣。按古本當如是。王肅本作而天下隨之。隨之時義大矣哉，不可從。

幹蠱

虞翻注：謂泰乾爲父，坤爲母。李鼎祚謂以柔巽之質，幹父之事，能承先軌，竭其任者也。蓋序卦傳本云蠱者事也。幹父之蠱，猶言子之克家也。顏氏家訓治家篇：婦主中饋，惟事酒食衣服之禮耳。國不可使預政，家不可使幹蠱。唐大詔令載寶應二年李光弼實封一子官制云：功崇望重，加以報章，德厚流光，延其茂賞，爰益苴茅之典，並明幹蠱之才。此皆幹蠱之古訓。周輝清波雜志：輝自四十以後，凡有行役，雖數日程，道路倥傯之際，亦有日記，以先人晚苦重聽，如幹蠱次序，旅泊淹速，親舊安否，書之特詳，用代縷縷之問。樓鑰攻媿集承奉郎致仕李君墓志銘：長子侑，尤善幹蠱，奉親有稱，用幹蠱字，猶存古義。惟漢書五行志：京房易傳曰：幹父之蠱，有子考无咎。子三年不改父道，思慕不皇，亦重見先人之非，解經似微異。然章昭注亦曰：幹蠱事也。今解幹蠱爲能蓋父之愆，如舜於瞽瞍，禹於鯀，能正父之事，是爲有子，故考不爲咎累。

似本京氏說而又稍異非古誼也。

噬膚滅鼻

漢書董賢傳有司致法將軍請獄治朕惟噬膚之恩未忍注孟康曰噬膚滅鼻噬食也膚喻爵恩澤加之不忍誅也師古曰孟說非也噬膚者言自齧其肌膚詔所云云爲明是恭后之親有肌膚之愛是以不忍加法故引噬膚之言也按既云噬膚之恩則孟說爲是

虎視眈眈

集解作虎眈周禮眈眈鄭康成注眈讀爲虎眈之眈漢竹邑侯相張壽碑虎視觀觀觀卽眈之異文

藉用白茅

漢書淮陽憲王傳春秋之義大能變改易曰藉用白茅无咎言臣子之道改過自新絜己以承上然後免於咎也此古誼

黃離

唐大詔令開元三年正月册郢王爲太子文云書不云乎一人元良萬邦以貞易不云乎黃離元吉得中道也按此以離二爻爲太子之象攷鄭康成注謂文王之子發且唐人似本鄭注然鄭兼及周公則亦非專指天子之太子也

遯

釋文字又作逯。按漢書匈奴傳。逯逃竄伏。敍傳。攜手逯秦。諸逯字從辵從豕。按皆當作逯。從月從豕。蓋逯月字加豕上。非豕字也。艮卦彖字。卽腹字。亦逯月字於上。非豕敬之豕。

晉

釋文晉孟喜作齊。子西反。義同。王通政引之曰。字與躋同。詩。聖敬日躋。箋釋爲其聖敬之德日進。是躋爲進也。鄉射禮。措三而挾一个。劉昌宗又音措爲祖雞反。蓋義旣同。音亦相轉也。按此二字之聲相轉。與翼之爲斯。震之爲祇一例。

明夷初爻

左昭五年傳。卜楚丘曰。明夷。日也。日之數十。故有十時。亦當十位。自王已下。其二爲公。其三爲卿。日上其中。食日爲二。旦日爲三。明夷之謙。明而未融。其當旦乎。日之謙當鳥。故曰。明夷于飛。明而未融。故曰。垂其翼。象日之動。故曰。君子于行。當三在旦。故曰。三日不食。離火也。艮山也。離爲火。火焚山。山敗於人。爲言敗言爲讒。故曰。有攸往。主人有言。言必讒也。此古誼。

旅上九

漢書孝成許皇后傳。易曰。鳥焚其巢。旅人先笑後號咷。喪牛于易。凶。言王者處民上。如鳥之處巢也。不顧恤百姓。百姓畔而去之。若鳥之自焚也。雖先快意說笑。其後必號而無及也。百姓喪其君。若牛亡其毛也。故稱凶。此古誼。

渙其羣

呂氏春秋召類篇說此爻曰。渙者賢也。羣者衆也。元者吉之始也。渙其羣元吉者。其佐多賢也。此古誼。

大人造也

釋文。大人造也。劉歆父子作聚也。按漢書劉向傳。賢人在上位。則引其類而聚之於朝。易曰。飛龍在天。大人聚也。在下位。則思與其類俱進。易曰。拔茅茹。以其彙。征吉。此釋文所本也。造。聚聲相轉。

文言

左襄九年傳。穆姜始往東宮而筮之。遇艮之八。姜曰。是於周易曰。隨。元亨利貞。无咎。元。體之長也。亨。嘉之會也。利。義之和也。貞。事之幹也。體仁足以長人。嘉德足以合禮。利物足以和義。貞固足以幹事。按此在孔子前古來相傳。元亨利貞之詁訓也。孔子文言即本此。體之長作善之長。嘉德作嘉會。

蓋言順也

順即馴致其道之馴。古馴順皆從㐁。故通。太元干次六。幹於天。貞馴。測曰。幹干之貞。順可保也。是其例。春秋繁露基義篇引易曰。履霜堅冰。蓋言遜也。遜與馴亦通。尚書五品不遜。史記作馴。又通作訓。漢書韋賢傳。五品以訓。帝堯碑。五品用訓。

需于沙衍在中也

周易古義引穆天子傳。謂沙衍連文。非也。此爻詞無衍字。穆天子傳。晉時偽書。亦不足以證易。故其著

周易述仍讀需于沙爲句。

剛健篤實輝光日新其德

先師錢詹事答問及王通政經義述聞皆從鄭讀以輝光日新爲句。徵引甚詳。按漢書王吉傳訢訢焉發憤忘食日新厥德。又王莽傳齊翼翼日新其德。則古亦讀日新其德爲句。與王弼同。

掛

繫辭上傳故再扐而後掛。釋文京作卦。按乾鑿度說文所引同。集解載虞注之成一變則布掛之一爻。布掛亦布卦之誤也。

圓而神

經典方圓字皆作圖。無作圓者。禮記曲禮正義引圖而神。此必古本。不知何時改作圓。

彖

惠學士士奇禮說肆全也。周禮小胥云全爲肆。肆古文作絺。易有彖爻象。此彖者全體析之成爻。彖卽希。惠徵君云彖當作希。卽絺之省文。肆之古文也。全爲肆析而爲爻。爻卽古文看。所謂遠取諸物也。彖彖走也。與易希字無涉。此說聞之江徵士聲。江爲惠徵士傳經高弟也。

震爲車

說卦傳坤爲大輿。而晉語載司空季子之論筮屢稱震爲車。九家易象及張編修惠言虞氏義所集逸象。

皆未之及。按易爻之言車者十有二，而小畜之三，車脫輹，大有之二，大車以載，賁之初，舍車而徒，剝之上，君子得輿，大畜之二，車脫輹，三日閑輿衛，大壯之四，壯于大輿之輹，睽之三，見輿曳，上載鬼一車，解之三，負且乘，困之四，困于金車，既濟之初，曳其輪，虞仲翔皆以坤爲車當之，大壯爲乾下震上之卦，解爲坎下震上之卦，此二卦之輿及乘，疑亦取象于震。

八

晉語：貞屯悔豫皆八。韋昭注：震在屯爲貞，在豫爲悔，八謂震兩陰爻在貞在悔皆不動，故曰皆八。謂爻無爲也。然則八者六爻皆不變也。晉語又云：得泰之八。左襄九年傳：遇艮之八。同。

文思安

後漢書馮衍傳：思唐虞之宴宴。第五倫傳：陳寵傳章懷太子注，並引攷靈曜作文憲宴宴。左傳：安孺子，史記齊世家：漢書古今人表俱作宴安。宴古聲同也。今台州府黃巖縣人讀安如焉。又按說文：憲，實也。引虞書曰：剛而憲，寒聲轉爲思。

朕虞

朕虞，官名。汝作朕虞，與汝作司徒，汝作士，汝作秩宗，句法一例。漢書地理志：秦之先曰伯益，出自帝顓頊。堯時助禹治水爲朕虞，此其證。是以王莽仿之，更水衡都尉曰予虞，見莽傳。

分北三苗

吳志虞翻傳注引作分兆三苗。按說文正作兆。後儒罕見兆。遂譌爲北。

戛擊鳴球

漢書揚雄傳拊隔鳴球。掉八列之舞。按拊隔必戛擊之異文。漢儒傳經本各不同。

仲虺

史記殷本紀作仲鬻。鬻不成字。當作鬻。

逖矣西土之人

北齊書顏之推傳。遡西土之有衆。此用牧誓文。而逖作遡。按說文。逖。遠也。古文作遡。顏介所用。當是古本。釋文未之及。古遡。易同聲。

睿作聖

洪範。思曰容。容作聖。西漢人讀皆然。鄭康成始破容爲睿。晚出古文因之。劉向說苑君道篇。尹文對齊宣王曰。人君之事。無爲而能容下。大道容衆。大德容下。聖人寡爲而天下理矣。書曰。容作聖。先師錢詹事論此字最詳。偶未及此。又太元數事。思用睿攝聖。此睿字亦後人所改。

敬用五事

漢書藝文志引次二曰。差用五事。言進用五事。以順五行也。五行志。孔光傳並引作差。以進訓差。不得謂藉之誤矣。當是差譌爲藉。藉改爲敬耳。

東

東爲四方之一舉一東字不可以爲地名。然尙書金縢周公居東。逸周書作雒解。建管叔於東。建蔡叔。霍叔於殷。又云三叔及殷東徐奄及熊盈以略。此畔字之譌又云俾康叔宇於殷。俾中旻父宇於東。列子楊朱篇。周公居東三年。齟風東山。我來自東。我東曰歸。小雅車攻。駕言徂東。凡此諸東字。則直以爲地名矣。蓋當是俗語稱殷之東爲東。而簡策文字因之。

孟侯

呂氏春秋正名篇。齊湣王周室之孟侯也。與此孟侯誼同。

鶴鳴于九皋

太元上次五。鶴鳴升自深澤。范望注詩云。鶴鳴九皋。聲聞于天。按據此。九皋當作九澤。說文。泉。古文以爲澤字。毛詩必本作泉字。與皋相似。因而致譌。九皋上無于字。錢詹事養新錄詳引諸書。而末及范注。

慘

陳風月出。勞心慘兮。小雅正月。憂心慘慘。大雅抑。我心慘慘。此三句慘字叶韻。皆當作慄。臬。漢隸作參。鄙閭頌。從朝陽之平慘。校官碑。德之賓卽有珠慘。皆與參相亂。墨子耕柱篇。一人奉水將灌之。一人慘火將益之。以慘爲慄也。六書音均表。于月出以爲合韻。于抑從五經文字作慄。于正月略之。迄無定見。

閨妻

漢書谷永傳。昔褒姒用國。宗周以喪。閭婁驕扇。日以不減。又云。絕驕嫚之端。抑褒閭之亂。按褒閭並舉。蓋閭爲厲王時嬖寵之族也。外戚傳。哀褒閭之爲郵。

杼柚

方言。土作謂杼。木作爲柚。戴古士震毛鄭詩攷正。用以釋詩小雅大東杼柚其空。謂役作於周而至窮空。意似迂曲。按太元規。棘木爲杼。削木爲柚。杼柚旣施。民得以煖。亦指織事而言。太元方言皆出于雲之手。而杼柚之義不同。

靈霖

太元少上九。密雨溟沐。潤于枯瀆。范注。雨之細者稱溟沐。按卽靈霖之異文也。從冥之幙。轉爲入聲。溟亦得轉爲入聲。靈從脈。而從脈之韻。讀如蔑。則脈靈皆可讀如蔑也。靈今詩作霖。俗人所改。

鞞琫有珌

毛鄭詩攷正云。瞻彼洛矣。鞞琫有珌。毛傳。鞞。容刀鞞也。琫。上飾珌。下飾珌。天子玉琫。而珌珌。諸侯盪琫。而瑤珌。大夫鐐琫。而鏐珌。士琫琫。而瑠珌。按毛傳內六珌字。皆當作鞞。鞞琫有珌。亦猶上韎韐有珌。赤貌。珌。文飾貌。說文云。珌。佩刀下飾。所見毛詩與今本同。遂取以解字。有珌有珌。猶珌然。珌然。刀下飾。乃鞞也。又作琫。說文以爲刀室。始誤。會毛傳鞞容刀。鞞也。之語。釋名云。刀室曰創。室口之飾曰琫。下末之飾曰琫。可以正說文。又篤公劉。鞞琫容刀。毛傳。下曰鞞。上曰琫。以毛證毛。此傳珌字。皆傳寫致譌無疑。按

戴說是也。左桓二年傳。藻率鞞。杜注。鞞。佩刀削上飾。鞞。下飾。玉篇亦云。鞞。琫容刀。上曰鞞。下曰琫。如以鞞爲刀室。琫爲上飾。琫爲下飾。形容刀之飾曰琫。有琫亦不辭。鞞字說文所無。玉篇有之。漢書王莽傳。琫琕琕。孟康曰。琕。玉名也。佩刀之飾。上曰琫。下曰琕。詩曰。鞞琫有琕。是西漢已誤。

卽有郃家室

呂氏春秋辨土篇高注引實類實栗有郃家室無卽字。南宋小字本說文郃下所引亦無卽字。

既醉六章

周語。羊舌肸曰。其類維何。室家之壺。君子萬年。永錫祚胤。頌也者。不忝前哲之謂也。壺也者。廣裕民人之謂也。萬年也者。令聞不忘之謂也。祚胤也者。子孫蕃育之謂也。此古誼。

昊天有成命

周語。羊舌肸說詩曰。昊天有成命。頌之盛德也。其詩云云。是道成王之德也。成王能明文昭。能定武烈者也。夫道成命者。而稱昊天。翼其上也。二后受之。讓有德也。成王不敢康。敬百姓也。夙夜恭也。基始也。命信也。宥寬也。密寧也。緝明也。熙廣也。亶厚也。肆罔也。靖蘇也。其始也。翼上德讓而敬百姓。其中也。恭儉信寬。帥歸於寧。其終也。廣厚其心以固蘇之。始於德讓。中於信寬。終於固蘇。故曰成。此古誼。

遂荒大東

郭璞爾雅注引詩遂輻大東與毛異。蓋三家詩也。按禮記投壺。毋輻毋放。大戴禮作無荒無傲。蓋荒與輻。